

DISSE^{10.}RTATIO ACADEMICA

DE

VIRIS IN FENNIA PERITIA LITTERARUM GRÆCARUM CLARIS,

CUJUS PARTEM PRIMAM

CONS. FAC. PHILOS. IMP. ACAD. ABOENS.

publico examini offerunt

JOHAN. JAC. TENGSTRÖM,

E. O. Philosophiae Adjunctus, E. O. Ammanensis Bibliothecæ,

ET

JACOBUS GUSTAVUS CHYDENIUS,

Ostrobothnensis.

In Auditorio Medico die III Decembris MDCCCXIV.

b. a. m. confv.

ABOÆ, TYPIS FRENCKELLIANIS,

Kapellanen

vid

Jacobstads och Pedersøre Moderkyrka,

Välårevördige och Höglärde

Herr JACOB JACOBSSON
CHYDENIUS

famt

Fru CHRISTINA CATHARINA
CHYDENIUS,

Född EDMAN,

Mine huldaste Föräldrar!

*E*mottagen, älskade Föräldrar, dessa blad såsom ett, ehuru svagt,
uedermäle af den sonliga tacksamhet och erkänsla, jag hyser
för Edra många och stora omsorger om mitt väl. Mätte jag
framdeles kunna lemma Eder något flörre bevis af den kärlek,
tacksamhet och vördnad, jag så lifligt känner, och hvarmed jag
beständigt framlefver

Eder

ödmjukt Lydigste Son
JACOB GUSTAF.



Lectoribus.

Prodiit jamdudum Upsaliæ *Historiola Litteraturæ Græcæ in Svecia XI Dissertationibus Academicis*, quarum I:ma & II:da Præside Cel. JOH. FLODERO, Respondente ER. MICH. FANT, sequentes vero, III—XI, sub moderamine Hujus, deinceps Historiarum ad R. Academiam Upsaliensem Profesoris constituti, Respondentibus variis editæ sunt, ab a. 1775 ad a. 1784 exposita; cui accesere Præside Cel. FANT, annis 1785 & 1786, duo Operis laudati supplementa: *IV Decades Virorum scientia Græcarum Litterarum in Patria præsenti seculo celebrium*, in quibus pro familiarissimo, quo res litteraria nostra cum Svecana, quamdiu eodem Summi Imperantis fovere tur tutamine, juncta erat commercio, etiam Fenni Græce docti celebrantur. Sed cum, ob majorem numerum Eorum, qui in scenam producendi escent, & artiores Operibus hujuscemodi Academicis præscriptos terminos, singulorum eruditorum merita plenius exponi non potuerint, amor non minus Historiæ nostræ Litterariæ quam Litterarum quarumvis Græ-

carum nobis in animum induxit, ut Viros eruditione Græca in Fennia celebres speciatim recenseamus, atque, si vel nihil ultra præstare valeamus, fontes saltem præcipios illustrandæ Historiæ Litterariæ Fennicæ, unde de lis notitia accuratior haurienda sit, indicemus: laudes simul illustraturi clarorum Majorum, quorum ingenio diligentiae & eruditioni debemus, quod commodis a cultura Litterarum, præsertim Elegantiorum, proficiscentibus, uberrime olim paratis, nobis, ipsorum nepotibus, faustis omnino auspiciis frui jam liceat.

§. I.

Apud incolas Finlandiæ vetustissimos, artes simplicissimas vitæ sustentandæ vix cognitas habentes, litterarum frustra requiruntur vestigia. Fuerunt quidem scriptores Fennici, qui illis commercium quoddam, idque arctius imo, cum Græcia intercessisse, atque etiam ipsas lingvas utriusque populi quodammodo convenire vellent; unde efficeretur, ut lingva litteræque Hellados in Finlandia prorsus ignorari non potuerint. Sic lingvarum Orientalium & Græcæ quondam Academiæ hujus Profesor, deinde Episcopus, DANIEL JUSLENIUS, Professionem dictam aditurus, a. 1712 Orationem habuit de convenientia lingvæ Fennicæ cum Hebræa & Græca (a); annoque septuagesimo quarto seculi superioris prodiit Aboæ Nic. IDMAN, Pastoris & Præpositi in parœcia Hvittis ditionis Björneburgensis, Försök att visa gemenskap emellan Finska och Grekiska språken, såsom tjenande till Upplysning i Finnska Folkets Historie, 8:o, quod opusculum Gallice quoque translatum sub titulo: *Recherches sur l'ancien peuple Finois d'après les rapports de la langue Finoise avec la langue Grecque, par M:r*

a) Exstat in NETTELBLADES *Schwedische Bibliothec*, I:s Stück, Stockh., 1728, p. 157. sqq.

M:r le Pasteur NILS IDMAN. *Ouvrage traduit du Svedois par M:r GENET le fils, Secretaire Interprete de Monsieur &c.* editum est Argentorati a. 1778, 8vo. Has vero disquisitiones, etiamsi aliis nominibus laude sua haud defraudandas, id ipsum, quod probandum esset, non probare, facile attento cuivis earum perscrutatori patebit.

§. 2.

Cœnobia scholasque post occupatam a Svecis Finlandiam divulgataque hic Religionem Christianam sensim conditas pro illius temporis ratione amorem quandam litterarum in Nostratis excitavisse, dubio omni caret. Quid? quod earum hauriendarum causa exteris quoque oras a seculo inde XIV:æ Fennos haud paucos, nec labori nec sumtibus parcentes adiisse, certum est. Sed quisque faciem litterarum illius ævi attentius considerans, eos potius jejuna Scholasticorum scientias tractandi ratione quam disciplina vere Græca imbutos domum rediisse, dolens fatebitur. Donavit quidem lingua Svetica circa a. 1483 Monachus Wadstenensis JOHANNES Andreæ BUDDE f. RÄK (b), in monasterio Nådendalensi (quod, ut plures alii college sui, per vices habitabat), ex Sacer Codice Librorum Macchabæorum duos, Librosque *Judith* & *Esther*; sed hæ versiones, quarum exemplum mscr. in R. Collegio Antiquitatum olim servatum est (ejusdem Archivi opes deinde magnam partem translatae sunt in R. Bibliothecam Stockholmiensem), utpote nulla examinati textus originalis s. Græci vestigia pro-

A 2

den-

b) De diligente hoc Monacho yld. LOENBOM *Utkast till en Historia om Svenska Bibel-Översättningar* p. 14-17, PORTHAN *Historiola Concionum Sacrarum Fennicarum* p. 6, Ejusdem *Historia Bibliothecæ R. Academiæ Ab.* pp. 184-190 & PAULI JUUSTEN *Chronicon Episcoporum Finlandensium, annotationibus & Sylloge monumentorum illustratum*, pp. 600-602.

dentes, eruditionem quandam Græcanicam interpretis hominem
numve, quibuscum ille vixit, minime gentium probant.
Hinc tamen statuere non licet, eam circa finem seculi XIV:i
vel initium XV:i ad remotiores has terræ habitatæ regiones
nondum penetravisse. Neque veri simile videtur, eam prorsus
neglectam fuisse a Fennis, qui, publica beneficentia adju-
ti, post instauratam in Europæ australis & mediæ plagis Litteraturam classicam, quam vocant, exteris frequentarent
Academias. Lingyam vero Græcam in Svecia tempore purioris Religionis vindicatae a pluribus cognitam fuisse, significare
videtur mandatum R. GUSTAVI I:mi de Sacris Bibliis in Lin-
gvam Svecanam convertendis (*c*); ex quo Archi-Episcopus
JOHANNES MAGNUS litteris a. 1525 datis (*d*) singulos libros
N. Testamenti ad varia Regni Capitula deferens, Aboënsi
Epistolas ad Thessalonicenses & ad Timotheum interpretandas
contulit. Quod institutum, etiamsi sive inertia sive ignoran-
tia & superstitione interpretum constitutorum effectu caruerit,
ne proponendum quidem fuisset, si penitus jacuisset omnissim
Lingyæ Græcæ in nostris oris cognitio.

§. 3.

Quiquid fuerit, MICHAËL AGRICOLA, dum fatigari ne-
cessus pro Ecclesia patria collustranda laboratet, non modo illam
assecutus est gloriam, quod primus, quantum quidem
constat, lingyam Fennicam litteris consignandis adhibuerit,
sed etiam, quod Novo Testamento Fennice verso primus po-
pularium suam in Græcis peritiam manifestam reddiderit & in-

vitæ

c) LOENBOM I. c. p. 19-22.

d) Exstant in PERINGSKOLD Monum. Ullerak, p. 172 seqq.

vitæ usum transtulerit. Natus erat in parœcia Nylandiæ Perno. Summos in Philosophia honores a. 1539 Wittebergæ adeptus patriam testimonio Lutheri & Melanchtonis amplissimo munitus repetivit. Eodem anno Rector Scholæ Aboënsis constitutus est. Episcopum senem MARTINUM SKYTTE in officio ab a. 1548 sublevavit. A. 1554 huic mortuo sufficitur. Legatus cum Archi-Episcopo LAURENTIO Petri ad aulam Muscoviticam a. 1557 misus, colloquio Græco inter Archi-Episcopum Sveciæ & Patriarcham Russorum de jejunii & cultu Imaginum, jussu Magni Principis, habito, interfuisse traditur (e); atque utpote non minus Lingvæ Græcæ quam Russicæ peritus, risum tenere non potuisse, cum sentiret, Patriarcham vocabula metaphysica ab Archi-Episcopo adhibita non comprehendere, & interpretem Russicum, lingvæ Græcæ ignarum, verba disputantium Magno Principi perverse reddere. AGRICOLA vero ex Ruthenia redux in itinere mortuus est (f).

Interpretatio Novi Testamenti Fennica jam anno 1542 elaborata erat; sed prodit anno demum 1548, Holmiæ duobus Tomis in quarta, quam vocant, forma. Rubrum s. Pagina Tituli, figuris tabulæ ligneæ incisis & inde impressis, pariter atque per ipsam interpretationem passim, præfertim in

e) HALEMAN. *The tvenne Bröder Oluff Petri Phæse, Lars Petri, til lefverne och vandel beskrifne*, p. 119 sq., sed qua fide nitatus hæc narratio, non liquet.

f) De vita scriptisque meritisimis Agricolæ vid. JUUSTEN & PORTHAN pp. 39-44, 733-753, *Fol. Hebdom. Ab.* 1778 N:o 12 sq. & 1796 N:o 15 sq. 19 sq. 21. Cel. WALLENII de Fenni summos in Philosophia honores ante conditam Academiam Aboensem adeptis, P. II. Sect. I. pp. 5-7.

in Apocalypsi JOHANNIS, ornata, non habet nisi haec: *Se Wsi Testamenti 1548.* Numerus paginarum Tomi prioris continua-
tur per posteriorem. Quis interpretationem confecerit, nus-
quam indicatur. In fine Tomi II significatur, eam factam es-
se Aboæ atque impressam Holmiæ apud *Amundum Laurentii*.
Præfatio indicat, interpretem partim textum Græcum, partim
versiones, Latinam, Germanicam & Svecanam consuluisse.
Quamquam LUTHERUM plerumque sequatur, ab hoc tamen
nonnumquam discedit. Sed nolumus pluribus repetere, quæ
de hac interpretatione ex instituto sistunt *Åbo Tidning* an.
1778 p. 92 sq. & a. 1796 N:o 15, JUUSTEN & PORTHAM
pp. 737—741.

§. 4.

Secundus nostratum heic commemorandus est ERICUS
HERKEPÆUS, haud quidem scripto quodam a se edito, atta-
men infectione, quam ob studium cognitionis lingvæ Græ-
cæ promovendæ positum passus est, celebris. Natus & ille
esse traditur in Parœcia Perno. Philosophiæ Magister in Ger-
mania creatus, Witteberga a. 1551 discessit, litteris PHILIPPI
MELANCHTHONIS ad R. GUSTAVUM I commendatiis itidem
munitus, ubi de Nostro dicitur: *Vir honestus est & gravis,*
& cum Rostochii virum doctissimum Arnoldum Burenium audi-
visset biennio, postea in hac Academia triennium commoratus,
ad studia Latinæ & Græcæ lingvæ etiam Ebraæam adjunxit, ut
rectius enarrare sermonem propheticum posset. — — — *Etiam*
harum artium doctriña se instruxit, quas Philosophia continet,
&c. Rector pariter atque AGRICOLA, ab anno circiter 1556
Scholæ Aboënsi præfuit. Sed cum an. 1566 initia lingvæ
Græcæ juventuti, neque sine successu, tradere cœpisset, ma-
levolorum, metuentium, ne hic conatus gloriæ quid ipsi pa-
seret, insidiis, ab officio post biennium remotus est. Novam
igi-

— 7 —

igitur & ad illud usque tempus in patria inauditam rem in Scholas Fennicas introduxit lingvam Græcam docere occipiens. Sed HERKEPÆI pro cognitione lingvæ Græcæ promovenda studium invidia, quam expertus erat, repressum non est. Nam in litteris ad R. JOHANNEM III scribit: *Vehementer & studiose Vestram Majestatem supplice imploro, ut mihi decernat administrationem officij apud Aboënses, nimis rur in hunc usum & finem, ut pubi Scholastica, quæ ibi Musas colit, initia Græcæ lingvæ discendæ tradam, sicut cœpi, cum adhuc Rectoris munere fungerer, nec puto piis & eruditis Ecclesiae doctoribus alienum videri a recta & sana juventutis institutione, statim ab ipsa prima aetate, quando juniores Latine discere incipiunt, simul etiam Græci sermonis cognitionem paullatim eis instillari. Hæc enim consuetudo in Scholis particularibus Germanicæ servatur, ut pueri discentes Latinam Grammaticam, statim etiam imbuantur in Græca (g).* Nec diu reparationem in-juriæ

g) Persuasionem de necessitate lingvæ Græcæ publice docendæ hoc tempore nondum, ne summis quidem Ecclesiæ Svecanæ Antifritibus sollemnem fuisse, patet ex Ordinatione Scholastica, quam vocant, Archi Episc. LAURENTII Petri, Nericii, a. 1571 in lucem emissa, ubi post injunctum Latinæ lingvæ studium præcipitur, eorum, qui Lingvam Græcam & Hebræam discere cuperent, esse, præceptores sibi privatos comparare. Anno demum 1595, cum Clerus Upfaliæ congregatus Duci CAROLO Senatuique Regni supplicationes deferret, quibus reformandas esse scholas patre fvidebat, inter alios libros publice tractandos & legendos proposuit Grammaticam Græcam CLENARDI. Tulit simul, ut in Scholis Cathedralibus Præpositus Cathedralis MATTHEI Evangelium, Epist. I ad Timotheum, Epistolam I. JOHANNIS, Proverbia SALOMONIS Psalmosque Graduum explicaturus esset, Decanus Grammaticam Græcam Epistolamque ad Galatas. Hæcce consilia, propter tumultus magnos in civitate ortos tunc missa, revocata sunt probataque Comitiis Örebroënsibus a. 1604. Quo tempore peritia lingvæ Græcæ a Theologis studior-

— 8 —

juriæ sibi illatæ exspectavit; nam eodem anno 1568, quo officio scholastico privatus est, in sedem Episcopalem Wiburgensem, ab anno inde 1564 vacantem, evexitur. Moritur Wiburgi d. 4 Febr. 1578 (h).

§. 5.

VALENTINUS Thomæ. Nihil de eo nobis innotuit, nisi inter Epicedia in obitum Serenissimæ Principis ac D:æ D. Catharinae, Sigismundi Magni olim Regis Polonum Filiae, Reginæ Sveciæ &c. a Studiosis bonarum artium adolescentibus in Collegio Brunsbergensi conscripta & in funebribus justis, ejusdem Collegii nomine Ipsi persolutis, recitata, f. l. & a. (1584) 4:o, duo Ejus Carmina Græca, atque in Syntagmate inscripto: Serenissimo ac potentissimo Principi Sigismundo III, Regi Ponionæ

sis in Svecia requiri cœpta sit, accurate definire non licet. At in Programmate publico Archi Episc. LAURENTII PAULINI, Gothi, d. 14 Maii 1640 dato, significatur, neminem in Sacros Ordinis admissum iri, nisi qui Grammaticam Latinam & Græcam, Rhetoricam, Logicam & Arithmeticam, novem Libros Geometrie, P. Rami Physicam, doctrinam Sphæricam & Calendarium Ecclesiasticum, nec non Geographiam, mediocriter cognita haberet. In decreto vero Concilii Örebroënsis a. 1529 constitutum erat: *Skola Biskoparne besörja, hvar vid sina scholor, att Djeknomen icke skall fattas de nya Testaments böcker på Latin.* Cf. BAAZII Inventarium Ecclesiæ Sveo Gothicæ pp. 562, 607, v. STIERNMAN Biblioth. Sveogoth. Tom. II. p. 107, Ejusd. Riksdagars och Mötens beslut T. I. p. 92. *Eol. Hebdom. Ab.* 1772 pp. 67, 73-75, FANT De Institutione publica juventutis patræ ante tempora R. Gustavi Adolphi, P. Post. p. 3 ff.

h) Plura de hoc viro eximio sciendi cupidos remittimus ad JUUSTEN & PORTHAN p. 36, 679-683, Cel. WALLENIUM p. II, Sed., I, p. 9.

loniae Magnoque Duci Lithuaniae &c. felicissimum & optatisimum Vilnam ingressum gratulantes nonnulli bonarum artium studiosi adolescentes in Academia Vilnenſi Societatis Jesu, Vilnæ, 1589, 40, Carmen Latinum Valentini Thoma Finlandi, itemque Rhythmos Finlandicos in adventum Sigismundi III Regis Poloniæ occurrere (*i*), e quibus satis superque constat auctorem Finlandum fuisse. Videtur inter juvenes fuisse, qui regnante JOHANNE III Romam, Olmucium, Vilnam, Brunsbergam & aliorum in Seminariis Jesuiticis Catholica religione imbuendi mittebantur (*k*). Nomen ejus nusquam alias repetimus.

§. 6.

Lingvam Græcam percalluisse Episcopum Aboensem ERICUM ERICI, innuit narratio de consilio, quod habuit R. JOHANNES III, Ejus Constantinopolin, ad Ecclesiam Svecanam antiquæ Græcæ reconciliandam confirmationemque rituum Liturgia notissima constitutorum expetendam, legandi, fraude Jesuitarum irrito facto, cuius exsequendi causa Liturgia tota.
B que

i) FANT *Annales Typographici Seculi XVI in Svecia* p. 34 & p. 38. Neutrum horum Syntagmatum nos quidem oculis usurpavimus. Exstant in Bibliotheca Acad. Upsal. Initium Carminis Fenici supra excitati hæc habere significat FANT:

*Terwen mule (meille) Sigismundi tule,
Nyn caiki cansu Vilnas tule &c.*

k) MESSENII Scondia illustr. Tom. VII. p. 54, FANT *De Instit. publ. ante tempora R. Gust. Ad. P. II.* p. 10, Ejusd. *De motibus Liturgicis in Svecia* p. 12.

que fidei panoplia ab ERICO Græce translatæ sunt (1). Librum Misalem Svecanum Græce ab Eo translatum Mſer. su. peresfe significat WESTÉN Svenska Kongl. Hof Clericiet's Historia P. I. Sect. I. p. 178, sed, ubi servetur, non indicat.

Natus erat patre ERICO Gregorii, Pastore Letalensi, qui,, nobili genere oriundus,, ex Livonia in Finlandiam veniens,, ignobili feminæ, quam casu vitiatam invitus duxerat,, munus dictum debuit (2). Filius apud exterios Philosophiae Magister promotus,, redux mislam secundum Liturgiam, jam antea quam hæc d. 16 Febr. a. 1577 subscriberetur, celebravit (n). A. 1578 Rector Scholæ Gevaliensis constitutus est; annoque 1583, utpote qui liturgica R. JOHANNIS III consilia commen- davisset, Episcopus Aboënsis Administratorque Diœceſeos Wi- burgenſis (o) designatus,, d. 8 Sept. anni dicti, nova de Li- tur-

1) MÉSENII Scand. illustr. Tom. VII, p. 74, Tom. X p. 34, subb a. 1587. BAAZII Inventarium Ecclesiæ Sueo-Goth. p. 415.

2) BAAZIUS l. c. Fertur natus, inquit, illo parente, qui fortiter ju- vabat R. Gustavum auxilio expellendi R. Christiernum II. Filius Episcopi, ERICUS de Sorala appellatus, in Epistola ad patrem Romæ a. 1607 data, quam exhibet SPEGEL Skrifteliga bevis hörande til Bishops Chrönikan p. 159 sq ait, proavos suos aut consules aut artium praefectos aut Equitum Magistros fuisse, horum duos, ALEXANDRUM ROSENBERG & PETRUM BRANDINUM in Hungaria tem- pore Caroli V Imperatoris contra Turcas in preslio fortiter occu- buisse; patrem denique Nostri, ERICUM Gregorii, fuisse PETRI BRANDINI fratris filium.

(n) FANT De motibus Liturgicis in Svecia P. I. p. II.

(o) In Epistolis Ep. ERICI, e tempore, quo utrique præerat Diœcesis, servatis, se ipse per vices appellat cum Episcopum Aboënsem &

turgia promovenda obligatione Regi tradita, ceremoniis pontificis ab Archi Episc. M. ANDREA Laurentii BJÖNRAM consecratus est (*p*); biduoque post cum Archi Episcopo, Episcopisque, Lincopensi PETRO CAROLO, Scarense JACOBO Johannis, Arosensi PETRO Benedicti, Wexionensi NICOLAO Stephani atque Revalensi CHRISTIANO Michaëlis ad extremamunctionem mortuis communicandam se obstrinxit (*q*). Accesisse ei præmiorum loco affectus in Regem remque Liturgicam prædia varia, ex Actis liquet (*r*). Perhibetur etiam, nobilitatis

B 2

Sve-

Administratorem Diœceseos Wiburgensis tum Episcopum Aboensem & Wiburgensem, tum Episcopum tantummodo Aboensem. In sede Episcopali Aboensi M. PAUL. JUUSTEN, a. 1576 mortuo, Successoris nomine, a. 1579 successisse perhibetur HENRICUS Canuti (RHYZELII *Episcoposcopia Sveo Goth.*, p. 347), in cuius, ob animum a Liturgia alienum munere decedentis, locum suffectus fuerit ERICUS. Suspicatur vero Cel. WALLENIUS l. c. P. Post. Sect. I. p. 10 sq. sedem Episcopalem ab a. 1576 ad a. 1583 vacuisse. Diœcesis Wiburgensis ab a. 1578 ad a. 1583 Præfule curuit. Ecclesiæ Finlandiae ab uno sub papismo procuratas fuisse Episcopo, atque a Rege demum GUSTAVO I. in duas distributas fuisse Diœceses, notum est; quas jam ERICO ERICI junctim administrandas commisit R. JOHANNES III.

p) FANT De successione Canonica & consecratione Episcoporum Sveciæ, p. 11.

q) Ejusd. De motibus Liturgicis in Svecia, p. 20.

r) Servat Bibliotheca Academica inter schedas Porthanianas apographon litterarum JOHANNIS III, Holmiae d. 28 Sept. a. 1591 datarum, hæc habentium: Biskopen i Åbo hafwer i underdåninghet lätit gifwa tilkåenna, thet honom sker förfång och mein utaf Våre Fougtar Godz och Gårdar Wi honom af gunst och nåde

Svecanæ honore, anno demum 1615 confirmato, eum auctum fuisse (s). Cum itaque singulari favore Regis frueretur, facile intelligitur, eum potentia & auctoritate in republica eminuisse atque *inter Primates Regni habitum* fuisse (t).

Quæ fuerit ejus in administrandis Dioecesibus sibi commissis follertia, minus liquet; cum pleraque monumentorum, unde de ea notitia haurienda esset, interissee, dolendum sit. Reperimus tamen nonnulla, quæ forte supersunt, rem Ecclesiasticam hujus ævi illustrantia; unde discimus, cum in visitandis Ecclesiis vastæ suæ ditionis sedulum fuisse. Exstant enim Epistolæ ejus circulares (u), quas vocant, Aboæ, d. 21 Dec.

1591

med Wårt öpne underſkrefne bref undt och efterlåtit hafwe, där
mijkeligen begårt samma gårddar, med the wilkor, som tilförende
eftor förberedalte Wårt öpne brefs lydelse at njuta och behålla, dedh
Wi honom af synnerlig gunst icke neka wille &c.

s) BAAZIUS l. c. p. 415.

t) Ex Epistola ERICI de Sorola supra excitata.

u) Servantur in Bibliotheca Academica, eodem comprehensa volumine Mser. orum cum Litteris Rectoris & Scholæ Aboënsis nomine d. I Julii 1591 ad Regem JOHANNEM III latina lingua exaratis, quarum Epitomen exhibet ÅBO TIDNING 1794 N:o 33. Exstant ibidem etiam adhuc, sed alii insertæ volumini, quas frustra quæstitas fuisse significat WESTÉN l. c. P. I. Sect. I. p. 178, duæ Epistolæ Ep. ERICI, altera ex Tusculano ejus Sorola d. 21 Aug. 1591, altera Aboæ d. 26 Marpii 1595, ad Pastores Alandiæ scriptæ. In illa preces publicas singulis diebus Mercurii pro exercitu bellum contra Rusfos ingresso instituendas annuncians, scribit: *Tum quoque auditores suos gravi & seria oratione admoneant, ut ad dictos dies, perinde ac diebus festis, sine ulla tergiversatione, singuli in sua paroecia conveniant* — — — . Quicunque vero ad præ-

1591 Pastoribus in Inferiori Satagundia & quibusdam aliis
parceciis (v), d. 18 Jan. 1593 Pastoribus Nylandiae, d. 10
Febr. 1596 Pastoribus in Inferiori & Superiori Satagundia,
Wiburgi d. 1 Febr. 1612 Pastoribus in Savonia & Tavastia,
in Sivolaxia d. 6 Febr. 1615 Pastoribus Tavastiae datæ, qui-
bus se Ecclesiæ Eorum pro muneric ratione aditum esse
significat.

Rege

*scriptos dies non comparuerit sciant se indignationem Regiam atque
poenam cum politicam tum ecclesiasticam non effugitoros. Hæc inci-
pit: Quot calamitatibus & quam miro fortunæ ludibrio universum
hoc Regnum Svetiæ, in primis vero patria nostra annos jam tri-
ginta exposita sit, non sine maximo dolore experti sumus, & tri-
stissima patriæ nostræ facies] abunde ostendit. Deinde gratias Deo
ob pacem cum Russis factam solemniter agendas jubet.*

v) Exordium scribendi caput ab his: *Nemo est, Viri humanissimi,
qui ignorat, quo consilio olim Ecclesiarum visitationes seu inspectio-
nes, quæ ab Episcopis in singulis provinciis recte constitutis fieri
solent, a Majoribus institutæ atque in usum receptæ sunt (sint).*
*Certum autem est, non esse eas institutas ad ostentationem, s. ina-
nem pompan, vel ob privatas seu visitatoris seu aliorum utilitates,
quemadmodum multi imperiti & iniqui rerum censores somniant.*
*Etc. Videtur ex his colligendum esse, Episc. Ericum jam tum non
modo fastus, sed etiam lucri indecori nomine taxatum fuisse. Nec
immerito: in actis nempe Supremi Dicasterii Aboënsis d. 28 Febr.
a. 1625 consignatis M. JOACH. STUTÆUS, Pastor Civitatis Aboënsis,
& M. GABRIEL MELARTOPÆUS, Rector Scholæ ibidem, de Episco-
po, morbum absentie suæ a foro causam prætexente, coram pleno
confessu perhibent: När Sessionen blifwer åndat, blifwer han wäl
bättre, til at draga uti visitation på landet, och plågar präster
och almågen; ty han drager i Stiftet som en Konungh, och åndå
stärkare än Hans K. Maj:t. Abjecti animi plura in sequentibus
indicia dabimus.*

Rege JOHANNE III de vita dececedente, tutela & præsidio suo validissimo privatus est Episc. ERICUS, cui exinde minus serenum fortuna vultum advertit. Quanti hunc regium fautorem & patronum æstimator, & quo nomine eum veneratus sit, prodit Epistola Aboæ d. 11 (Januarii?) 1593 ad Pastores in Inferiore & Superiore Satagundia de campanis ob Regem mortuum singulis diebus una hora, donec de Sereniss. Reginæ voluntate significatum fuisset, pulsandis scripta, quæ hæc habet: *Ut (b. Rex) præclarissimis naturæ & fortunæ omnibusque Regiis dotibus cumulatus erat: ita veterum laudissimorum Regum pietatem referebat, atque insignem bonitatem & clementiam cum erga subditos omnes, tum præcipue erga Verbi ministros, quos plus quam paterno amore amplexus est, sufficienter declaravit.* Deinde exhortatur eos ad orandum, ut Deus Regno pium & optimum Magistratum, qualem describit Xenophon, exfuscit. Addit porro: *Quim vulgus in mutationibus Imperiorum inanes rumores plerunque serere solet de alio atque alio Rege substituendo, ideo admoneant Dni Pastores suos auditores diligenter, ne sua somnia & aniles fabulas huc illuc spargant, sed potius Deum ardenter orent, & sciant jam pridem, Rege adhuc superstite, ab omnibus Regni Ordinibus communibus suffragiis Sereniss. Regis Filium Illustrisimum electum esse, ut in demortui Patris locum succedat, quod Deus Opt. Max. clementer fortunet, unde satis patet, Episc. ERICUM in Ducem CAROLUM Regem creandum minime inclinavisse (x).*

Atta-

(x) Hoc comprobat Epistola Ejus, Aboæ d. 1 Nov. 1593 Pastoribus in Superiori Satagundia data, in qua, preces ex suggestu pro successu pacis intrâ Russiam & Sveciam conciliandæ faciendas præscribens, adjicit: *Hortamur quoque, ut pro Rege nostro Serenissimo Dno Sigismundo simul orent, Eumque precibus suis Deo conuenient, agantque Deo gratias, qui suam Majestatem inter sevis-*

Attamen se in gratiam Hujus insinuare atque prona, quæ in disseminanda Liturgia collocaverat, studia expiare conatus est. In Concilio enim Upsaliensi a. 1593, se in ritibus papisticis suscipiendis & disseminandis peccavisse, confitens, sui in causa eorum agenda studii veniam sollemniter petivit, decretumque Concilii manu sua firmavit (y). Eum etiam deinde operam dedisse, ut Duci CAROLO partibusque Huic faventibus se probaret, patet (z). Inprimis ritibus superstitiosis, qui in cultum publicum irreperserant, impugnandis tam acriter instituit, ut vix ac ne vix quidem dubitandum sit, quin eos ex animo improbaverit. In litteris Aboæ d. 10 Febr. 1596 datis, supra excitatis, quibus visitationem in inferiori & superiori Satagundia peragendam annunciat, primum de ceremoniis, quæ decreto Upsaliensi damnatae essent, extirpandis scribit: *Nos quoque, quantum potuimus, fecimus, & ministros hujus Diæcessis cum in publicis tum in privatis congressibus serio monuimus, ut auditores suos de iisdem ceremoniis recte instituerent, earumque abusum ex animis eorum pia & asidia informacione, quantum possent, eximerent.* — — — Sed non sine dolore intel-

finas & turbulentas tempestates conservavit & incolunem ad nos reduxit. Id certe eo alacrius nos facere oportet, quod sua Majestas in primo ingressu omnibus Ordinibus hujus Regni regium favorem & omnem clementiam ultra obtulerit, tum doctrinæ ac Religionis integritatem liberam singulis permiserit. De qua suæ Majestatis clementia ac propensa voluntate minime dubitandum.

y) WERWING Kon. Sigismunds och Kón. Carl IX:s Historier, P. I.
pp. 137, 146, 157. A. MICH. FANT Historia Concilii Upsaliensis
a. 1593 habiti, p. 18; p. 31.

z) Cf. WERWING l. c. p. 214.

intelleximus, quosdam vel nihil omnino vel parum in re tam utili ac necessaria fecisse, quosdam frigide admodum ac segniter de ceremoniis docuisse, ut plus defruerent quam exstruerent. Nonnullos vero sine omni institutione ac informatione ceremonias temere abrogasse & ex oculis auditorum suorum removisse, nec facti sui rationem ullam attulisse, nisi ita a nobis mandatum esse, atque ita omnem culpam in nos rejecisse. Unde non pauci cum ex plebeis tum aliis graviter offensi sunt, & Ministri quasi scandalorum authores & rerum omnium perturbatores pasim male audiunt. — — — Cum itaque res se habeat, & metuendum est, ne majores tumultus sequantur, nisi mature occurratur, ideoque Ministros hujus Diæcessis omnes, tam Pastores quam Sacellanos (hortamur), ut sedulo ac diligenter cum publice in concionibus tum privatim in visitatione Quadragesimali de iisdem ceremoniis, ut de Elevatione, Sale & Candela, auditores suos dextre instituant, ac doceant, eas non a Deo mandatas, sed humanas esse traditiones, & frustra Deum coli his ceremoniis. Et quamquam per se sint Adiaphoræ & indiferentes, tamen propter singularem earum abusum decreto Concilii Upsaliensis abrogatas &c. Significat deinde, ex decreto Cleri Uptaliæ anno superiori congresi, Dominica: *Eflo mihi*, in omnibus Ecclesiis sollemnes gratiarum actiones pro restaurata Religione habendas esse. — Eodem anno, ex decreto Comitiorum Sodercopensium, omnes tabulas quibus altaria templorum Fennicorum, in primis Templi Cathedralis, ornata esent, tolli perdiique jus sit. Quia de re certior factus R. SIGISMUNDUS Gubernatori Finlandiæ CLAUDIO FLEMING manda vit, ut impediret, ne imagines in Fennia hac ratione delerentur. Episcopo injunctum est, ut omnes tabulas altarium sublatas reponendas & servandas curaret, donec aliter Rex jus sislet (aa).

Quan-